

Bosna i Hercegovina
Federacija Bosne i Hercegovine
Tuzlanski kanton
MINISTARSTVO ZA RAD, SOCIJALNU POLITIKU I
POVRATAK



Босна и Херцеговина
Федерација Босне и Херцеговине
Тузлански кантон
МИНИСТАРСТВО ЗА РАД, СОЦИЈАЛНУ, ПОЛИТИКУ И
ПОВРАТАК

Bosna i Hercegovina
Federacija Bosne i Hercegovine
Tuzlanski kanton
Ministarstvo za rad, socijalnu politiku i povratak
MINISTRY OF WORK, SOCIAL AFFAIRS AND RETURN

Tuzla, Ul.Kozaračka br.11; Tel: +387 35 369 433, 369 432, 369 333, 369 335, 369 334, 369 354; Fax: 369 355; www.vladatk.kim.ba; email: minrsp@tk.kim.ba

Broj: UP1-09/1-34-024180/16
Tuzla, 14.06.2017. godine

Ministarstvo za rad, socijalnu politiku i povratak Tuzlanskog kantona, rješavajući o zahtjevu **Udruženja poslodavaca Federacije Bosne i Hercegovine** u postupku utvrđivanja reprezentativnosti sindikata na području kantona, na osnovu člana 130. stav 4. Zakona o radu („Službene novine Federacije Bosne i Hercegovine,“ broj: 26/16) i člana 200. stav 1. Zakona o upravnom postupku („Službene novine Federacije BiH,“ broj: 2/98 i 43/99), donosi

R J E Š E N J E **o reprezentativnosti udruženja poslodavaca**

- 1.UTVRĐUJE SE**, da je **Grupacija poslodavaca Tuzlanskog kantona** kao organizacioni dio Udruženja poslodavaca Federacije Bosne i Hercegovine reprezentativno udruženje za poslodavce u okviru područja djelatnosti članica Grupacije poslodavaca na području Tuzlanskog kantona.
- 2. Grupacija poslodavaca Tuzlanskog kantona** kao reprezentativno udruženje:
 - zastupat će svoje članove pred poslodavcima, organima vlasti i drugim institucijama i pravnim licima, u skladu sa pravilima o organiziranju i djelovanju udruženja,
 - kolektivno pregovarati i zaključivati kolektivne ugovore i
 - učestvovati u bipartitnim i tripartitnim tijelima sastavljenim od predstavnika organa vlasti, udruženja poslodavaca i sindikata.

O b r a z l o ž e n j e

Udruženje poslodavaca Federacije Bosne i Hercegovine obratilo se ovom Ministarstvu sa zahtjevom evidentiranom na protokolu Vlade Tuzlanskog kantona broj: UP1-09/1-34-024180/16 od 29.07.2016. godine za utvrđivanje reprezentativnosti **Grupacije poslodavaca Tuzlanskog kantona**. Uz zahtjev priložilo je sljedeću dokumentaciju:

- 1.Kopiju Rješenja Federalnog ministarstva pravde Sarajevo broj: 04-06-1-457/02 od 14.02.2002. godine o registraciji Udruženja industrijalaca-industrijalista u Federaciji BiH;
- 2.Kopiju Rješenja Federalnog ministarstva pravde Sarajevo broj: 04-05-2-457/02-1 od 12.04.2002. godine o registraciji Udruženja poslodavaca u Federaciji BiH;
- 3.Kopiju Rješenja Federalnog ministarstva pravde Sarajevo broj: 04-05-2-458/02-2 od 11.09.2002. godine o promjeni adrese i Statuta Udruženja poslodavaca u Federaciji BiH;

4. Kopiju Rješenja Federalnog ministarstva pravde Sarajevo broj: 04-05-2-457/02-2 od 11.06.2003. godine o promjeni ovlaštene osobe za zastupanje i predstavljanje, članova Upravnog odbora i promjeni Statuta Udruženja;

5. Kopiju Rješenja Federalnog ministarstva pravde Sarajevo broj: 04-05-2-457/02 od 09.10.2008. godine o promjeni ovlaštene osobe za zastupanje i predstavljanje, promjeni adrese i izmjeni Statuta Udruženja;

6. Kopiju Rješenja Federalnog ministarstva pravde Sarajevo broj: 04-05-2-457/02 od 23.08.2012. godine o skraćenom nazivu udruženja-UP u FBiH, o promjeni predsjednika Upravnog odbora UP u FBiH i promjeni osobe ovlaštene za zastupanje i predstavljanje;

8. Kopiju Rješenja Federalnog ministarstva pravde Sarajevo broj: 04-05-2-457/02 od 21.10.2014. godine o promjeni Statuta UP u FBiH;

9. Kopiju Rješenja Federalnog ministarstva pravde Sarajevo broj: 04-05-2-457/02 od 03.09.2015. godine o promjeni Statuta UP u FBiH;

10. Kopiju Rješenja Federalnog ministarstva pravde Sarajevo broj: 04-05-2-457/02 od 01.06.2016. godine o promjeni predsjednika i članova Upravnog odbora UP u FBiH i promjeni osobe ovlaštene za zastupanje i predstavljanje UP u FBiH;

11. Kopiju Rješenja o izmjeni rješenja o utvrđivanju reprezentativnosti Udruženja poslodavaca na teritoriji Federacije Bosne i Hercegovine broj: UP1 03-34/13-37/15 od 08.06.2016. godine;

12. Kopiju Odluke o osnivanju Grupacije poslodavaca za područje Tuzlanskog kantona pri Udruženju poslodavaca u Federaciji Bosne i Hercegovine od 06.10.2015. godine;

13. Kopiju Poslovnika o organizaciji i radu Grupacije poslodavaca Tuzlanskog kantona pri Udruženju poslodavaca FBiH;

14. Kopiju Bilansa uspjeha Udruženja poslodavaca u Federaciji BiH za period od 01.01.-31.12.2015. godine i

15. Kopiju Spiska članica UP u FBiH na području Tuzlanskog kantona sa kopijama pristupnica za učlanjenje u Udruženje poslodavaca u Federaciji Bosne i Hercegovine (193 članice).

Na osnovu sprovedenog postupka Ministarstvo za rad, socijalnu politiku i povratak Tuzlanskog kantona donijelo je Rješenje broj: UP1-09/1-34-024180/16 od 12.10.2016. godine kojim se utvrđuje da je Grupacija poslodavaca Tuzlanskog kantona reprezentativno udruženje za poslodavce u okviru područja djelatnosti članica Grupacije poslodavaca na području Tuzlanskog kantona.

Udruženje poslodavaca Tuzlanskog kantona, zastupano po predsjedniku udruženja, Avdagić Abdulahu, podnijelo je Kantonalnom sudu Tuzla tužbu za pokretanje upravnog spora protiv akta Ministarstva za rad, socijalnu politiku i povratak Tuzlanskog kantona, broj: UP1-09/1-34-024180/16 od 12.10.2016. godine.

Kantonalni sud u Tuzli je prilikom rješavanja u upravnom sporu dana 15.05.2017. godine donio Presudu, broj: 03 O U 015802 16 U, kojom se tužba uvažava, a osporeno rješenje broj: UP1-09/1-34-024180/16 od 12.10.2016. godine poništava i predmet vraća na ponovno rješavanje.

Ministarstvo za rad, socijalnu politiku i povratak Tuzlanskog kantona shodno navodima u Presudi u **ponovnom postupku** treba utvrditi činjenice iz kojih bi bilo vidljivo koliki je broj zaposlenika na području Tuzlanskog kantona, zatim koliki broj zaposlenika članovi tog organizacionog dijela zapošljavaju na području Tuzlanskog kantona i koliko procenata taj broj zaposlenika iznosi u odnosu na ukupan broj zaposlenih na području Tuzlanskog kantona.

Takođe je potrebno utvrditi činjenicu iz koje bi bilo vidljivo, koja su udruženja u skladu sa članom 179. Zakona o radu ("Službene novine F BiH", broj:26/16), zahtjev za utvrđivanje reprezentativnosti podnijela u roku od šest mjeseci od dana stupanja na snagu ovog Zakona

U skladu sa navedenim Ministarstvo je svojim zahtjevom broj: UP1-09/1-34-024180/16 od 24.05.2017.godine tražilo od Federalnog zavoda za statistiku Sarajevo dostavu podataka o ukupnom broju zaposlenih lica u privredi na području Tuzlanskog kantona.

Federalni zavod za statistiku Sarajevo, svojim aktom broj: 06-32.9-825/17 od 30.05.2017. godine dostavio je tražene podatke o broju zaposlenih lica u privredi na području Tuzlanskog kantona prema područjima Klasifikacije djelatnosti KD BiH 2010, sa stanjem mart 2017. godine, gdje je ukupan broj zaposlenih: **84.737** lica.

Isto tako, bilo je potrebno utvrditi činjenice iz kojih bi bio vidljiv broj zaposlenih lica – članova Grupacije poslodavaca Tuzlanskog kantona. Ovo Ministarstvo je svojim zahtjevom broj: UP1-09/1-34-024180/16 od 24.05.2017.godine tražilo od Udruženja poslodavaca FBiH – Grupacije poslodavaca Tuzlanskog kantona dostavu podataka o ukupnom broju zaposlenih lica, članova Grupacije poslodavaca Tuzlanskog kantona.

Udruženja poslodavaca FBiH – Grupacija poslodavaca Tuzlanskog kantona svojim aktom broj: 1-191/17 od 29.05.2017. godine dostavilo tražene podatke o broju zaposlenih lica, članova Grupacije poslodavaca Tuzlanskog kantona, gdje je ukupan broj zaposlenih: **29.536** lica.

Shodno odredbi člana 128.stav 2. Zakona o radu („Službene novine FBiH“, broj:26/16): „Reprezentativnim udruženjem poslodavaca u smislu stava 1. ovog člana smatra se udruženje poslodavaca čiji članovi zapošljavaju najmanje 20% od ukupnog broja zaposlenih u privredi na teritoriju Federacije, odnosno području kantona, te stav 3:

Ako ni jedno udruženje poslodavaca ne ispunjava uvjet iz stava 2. ovog člana, reprezentativnim udruženjem poslodavaca smatra se udruženje čiji članovi zapošljavaju najveći broj zaposlenih u privredi na teritoriji Federacije, odnosno području kantona“.

Dakle, na osnovu broja zaposlenih lica, članova Grupacije poslodavaca Tuzlanskog kantona: **29.536** lica i broja zaposlenih lica u privredi na području Tuzlanskog kantona: **84.737** lica, nesporna je činjenica da **Grupacija poslodavaca Tuzlanskog kantona** ima : **34,85%** zaposlenih članova.

Ministarstvo za rad, socijalnu politiku i povratak Tuzlanskog kantona je u skladu sa članom 179. („Službene novine FBiH“, broj:26/16) utvrdilo činjenicu da je samo jedno udruženje poslodavaca podnijelo zahtjev za utvrđivanje reprezentativnosti u roku od šest mjeseci od dana stupanja na snagu ovog Zakona - **Udruženje poslodavaca Federacije Bosne i Hercegovine - Grupacija poslodavaca Tuzlanskog kantona** evidentiranom na protokolu Vlade Tuzlanskog kantona broj: **UP1-09/1-34-024180/16 od 29.07.2016. godine.**

Ministarstvo za rad, socijalnu politiku i povratak Tuzlanskog kantona je aktom broj: UP1-09/1-34-024180/16 od 30.08.2016. godine zatražilo dostavu dokumentacije koja se odnosi na podatke iz Izvoda iz registra Federalnog ministarstva pravde o upisu Udruženja poslodavaca u Federaciji BiH i svih **kantonalih** udruženja (**grupacija**) poslodavaca koja su **organizacioni dio** ovog Udruženja, sa osnovnim podacima (registarski broj, adresa i datum upisa), odluku o izboru predsjednika kantonalnog odbora Grupacije poslodavaca Tuzlanskog kantona (ime i prezime) i potvrdu, kojom se potvrđuje da je Grupacija poslodavaca Tuzlanskog kantona organizacioni dio Udruženja poslodavaca u Federaciji BiH, ovjerenu sa potpisom predsjednika i pečatom.

Udruženje poslodavaca u Federaciji Bosne i Hercegovine aktom broj: 1-217/16 od 08.09.2016. godine dostavilo je odgovor na navedeni zahtjev Ministarstva za rad, socijalnu politiku i povratak Tuzlanskog kantona sa pratećom dokumentacijom i traženim podacima. Uz odgovor kao prilog dostavljena je kopija Statuta Udruženja poslodavaca u Federaciji Bosne i Hercegovine broj: I-15/14 od 09.04.2014. godine, kopija Statuta o izmjenama i dopunama Statuta, broj.I-019/15 od 11.03.2015. godine, kopija Odluke o imenovanju direktora UP u FBiH broj: I-39/14

od 05.05.2014. godine, kopija Odluke o imenovanju predsjednika i dva potpredsjednika Upravnog odbora Grupacije poslodavaca Tuzlanskog kantona broj: 1/086-1/16 od 07.04.2016. godine i Potvrda Udruženja poslodavaca u Federaciji Bosne i Hercegovine od 08.09.2016. godine, kojom se potvrđuje da je Grupacija poslodavaca Tuzlanskog kantona organizacioni dio Udruženja poslodavaca u Federaciji Bosne i Hercegovine od 06.10.2015. godine.

S obzirom na navedene podatke Ministarstvu je bio potreban između ostalog i podatak koji se odnosi na činjenicu da li na području Tuzlanskog kantona postoje druge kantonalne grupacije koje djeluju kao organizacioni dio UP FBiH, te je stoga Ministarstvo svojim aktom broj: UP1-09/1-34-024180/16 od 16.09.2016. godine zatražilo dostavu navedenog podatka, kao i dostavu ovjerenog Spiska članica Udruženja poslodavaca u Federaciji Bosne i Hercegovine sa pečatom i potpisom Direktora.

U odgovoru Udruženja poslodavaca u Federaciji Bosne i Hercegovine broj: I-233/16 od 29.09.2016. godine istaknuto je, da je Grupacija poslodavaca Tuzlanskog kantona **jedina Grupacija poslodavaca koja djeluje na području Tuzlanskog kantona** kao organizacioni dio Udruženja poslodavaca u Federaciji Bosne i Hercegovine. Isto tako u prilogu navedenog akta dostavljen je Spisak članica UP FBiH ovjeren sa pečatom i potpisom Direktora.

Na osnovu naprijed utvrđenog činjeničnog stanja nesporno je da Grupacija poslodavaca Tuzlanskog kantona je **organizacioni dio Udruženja poslodavaca u Federaciji Bosne i Hercegovine**, te ispunjava uvjete iz člana 128. stav 1. i 4. Zakona o radu („Službene novine Federacije BiH“, broj: 26/16) i smatra **reprezentativnim udruženjem**, pa je stoga odlučeno kao u dispozitivu ovog Rješenja.

POUKA O PRAVNOM LIJEKU: Rješenje Ministarstva je konačno i protiv istog rješenja može se tužbom pokrenuti upravni spor kod nadležnog suda u roku od 30 dana od dana prijema istog.

Postupak vodila:

Esmina Divjaković, dipl. pravnik

DOSTAVLJENO:

- ① Naslovu,
2. Evidenciji,
3. Arhivi.

MINISTAR
Jovanović Zoran, dipl. pravnik